



*Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko Vijeće*

Lukavac, 16.10.2010.godine

**SLUŽBENI GLASNIK
OPĆINE LUKAVAC**

SADRŽAJ BROJA 8/10

Akti Općinskog vijeća

1. *Odluka o dekorisanju*
2. *Zaključak o davanju saglasnosti na situaciju mikrolokacije broj:05-02-1-469-1/09-2 od 15.09.2010.godine*
3. *Zaključak o davanju saglasnosti na situaciju mikrolokacije sa promjenom namjene objekta broj:05-02-1-469-2/09-2 od 22.09.2010.godine*
4. *Zaključak o davanju saglasnosti na Ugovor o zakupu nepokretnosti između Općine Lukavac i MZ Puračić*
5. *Zaključak o neprihvatanju ponude od strane Buljubašić Vahide iz Lukavca za preuzimanje neizgrađenog građevinskog zemljišta broj:02-31-3-1719/10 od 15.09.2010.godine*
6. *Zaključak o davanju saglasnosti za usvajanje Pravila JU za odgoj i obrazovanje djece predškolskog uzrasta Lukavac od 23.09.2010.godine*



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko vijeće

Broj: 01-02-1-1333/10
Lukavac, 15.10.2010.godine

Na osnovu člana 4. stav 2. Zakona o komunalnim djelatnostima („Službene novine TK“, broj: 11/05. i 7/07.), člana 104. Statuta općine Lukavac – prečišćeni tekst („Službeni glasnik općine Lukavac“, broj: 5/08), Općinsko Vijeće Lukavac na 25. redovnoj sjednici održanoj dana 07.10.2010.godine, donijelo je

ODLUKU

o dekorisanju javnih površina i prostora na području Općine Lukavac

I. OPĆE ODREDBE

Član 1.

(predmet Odluke)

Ovom Odlukom određuju se načela, način obavljanja i finansiranja, prava i obaveze davaoca komunalne usluge, nadležnih općinskih organa i drugih pravnih i fizičkih lica, nadzor nad provođenjem ove Odluke, te druga pitanja od značaja za uspješno obavljanje komunalne djelatnosti dekorisanja na području općine Lukavac.

Član 2.

(značenje izraza upotrijebljenih u Odluci)

(1) Pod dekorisanjem se podrazumijeva ukrašavanje javnih površina i prostora povodom državnih i vjerskih praznika, održavanja kulturnih, zabavnih, sportskih, sajamskih i drugih manifestacija prigodnim ukrasnim rekvizitima.

(2) Pod obavljanjem poslova dekorativne rasvjete podrazumijeva se postavljanje svjetlećih dekorativnih elemenata na stubove javne rasvjete, drveće, fasade i druge javne površine u vrijeme državnih i vjerskih praznika, kao i drugih praznika i manifestacija.

II. POVJERAVANJE POSLOVA DEKORISANJA

Član 3.

(povjeravanje poslova dekoracije)

Na osnovu odredaba Odluke o komunalnim djelatnostima („Službeni glasnik općine Lukavac“, broj 2/07. i 4/09.) poslovi dekorisanja povjereni su javnom preduzeću komunalnih djelatnosti, koje je registrovano za obavljanje komunalne djelatnosti dekorisanja, (u daljem tekstu: davalac komunalne usluge).

III. DEKORISANJE PODRUČJA OPĆINE

Član 4.

(dekorisanje javnih i drugih površina)

U povodu državnih i vjerskih praznika, godišnjica, raznih manifestacija i slično, može se organizovati prikladno dekorisanje javnih površina i površina uz poslovne i poslovno-stambene objekte.

Član 5.

(isticanje zastava i drugih transparentata)

Prilikom dekoracije ističu se zastave i drugi prikladni transparenti, oznake, te dekorativni elementi.

ODJELJAK A. ISTICANJE ZASTAVA I UKRASNIH OBILJEŽJA

Član 6.

(ukrašavanje javnih površina i prostora)

Ukrašavanje javnih površina i prostora vrši davalac komunalne usluge.

Član 7.

(isticanje zastava)

(1) Za vrijeme državnih praznika i drugih manifestacija od značaja za općinu Lukavac ističu se zastave Bosne i Hercegovine i općine Lukavac na području užeg centra općine.

(2) Pored zastave države Bosne i Hercegovine, mogu se isticati zastava Federacije Bosne i Hercegovine i zastava Tuzlanskog kantona, a iste se postavljaju u skladu sa odredbama posebnih zakona.

Član 8.

(postavljanje i skidanje zastava)

Zastave iz člana 7. ove Odluke će dan uoči praznika postaviti i dan po prazniku skinuti radnici davalca komunalne usluge i prostor dovesti u prvobitno stanje, ako drugim propisom nije drugačije određeno.

Član 9.

(nabavka i održavanje zastava)

Nabavku novih zastava osigurava općina Lukavac, a održava davalac komunalne usluge.

Član 10.

(zabrane)

(1) Zabranjeno je isticanje protivpropisno izrađenih, nečistih, pocijepanih, izgužvanih i dotrajalih zastava.

(2) Zastave, koplja i postolja za zastave moraju biti jednoobrazni.

Član 11.

(isticanje zastava u dane žalosti)

U dane žalosti zastave se ističu na pola koplja i moraju osvanuti na dan žalosti, a skidaju se najkasnije do 12 sati slijedećeg dana po isteku žalosti.

Član 12.

(vrijeme postavljanja dekorativnih elemenata)

(1) Postavljanje svijetlećih dekorativnih elemenata i drugih prigodnih ukrasnih rekvizita davalac komunalne usluge će izvršiti najkasnije 7 dana prije praznika, a iste će ukloniti u roku od 48 sati poslije praznika.

(2) Izuzetno, postavljanje svijetlećih dekorativnih elemenata povodom novogodišnjih praznika izvršit će se do 10. decembra tekuće godine, a isti će se ukloniti do 25. januara naredne godine.

ODJELJAK B. UKRAŠAVANJE POSLOVNIH I STAMBENO – POSLOVNIH OBJEKATA

Član 13.

(držači i jarboli)

Na poslovnim i stambeno-poslovnim objektima do javnih saobraćajnih i drugih površina mogu se postavljati držači zastava i jarboli za zastave.

Član 14.

Postavljanje transparentata i drugih obilježja vrši se u skladu sa odredbama Zakona o bezjednosti saobraćaja na putevima F BiH.

Član 15.

(isticanje zastave na držačima)

Zastave se ističu na držačima koji se ugrađuju na fasadu ili drugi dio objekta od strane ulice.

Član 16.

(odobrenje za postavljanje montažnih objekata, uređaja, opreme)

Za postavljanje montažnih objekata, uređaja, opreme i slično, potrebno je odobrenje općinske Službe nadležne za komunalne poslove.

Član 17.

(dužnosti vlasnika objekata)

(1) Vlasnici ili korisnici poslovnih ili stambeno – poslovnih objekata i površina dužni su urediti prostorije i površine koje im pripadaju.

(2) Zastave postavljaju i brinu se o njihovom izgledu vlasnici i korisnici poslovnih zgrada.

Član 18.

(rok za uklanjanje)

Nakon proteka prigode vlasnik ili korisnik poslovnog objekta dužan je ukloniti predmete u roku od 3 dana.

Član 19.

(isticanje drugih obilježja)

Za vrijeme svadbi, dženaza, sahrana, političkih skupova i drugih manifestacija mogu se osim zastava Bosne i Hercegovine, Federacije Bosne i Hercegovine, Tuzlanskog kantona i općine Lukavac, nositi, isticati, upotrebljavati i vjerska, nacionalna, stranačka i sportska obilježja, u zavisnosti od vrste događaja-manifestacije.

IV. OBAVEZE DAVOCA KOMUNALNE USLUGE

Član 20.

(ispunjavanje zakonskih uslova)

Davalac komunalne usluge mora ispunjavati uslove iz člana 11. Zakona o komunalnim djelatnostima („Službeni novine TK“, broj: 11/05. i 7/07.).

Član 21.

(obaveza davaoca komunalne usluge)

Davalac komunalne usluge dužan je osigurati kvalitetno obavljanje komunalne usluge.

Član 22.

(nabavljanje opreme za ukrašavanje)

Općina Lukavac direktno ili putem davaoca komunalne usluge vrši blagovremeno nabavljanje opreme za praznično ukrašavanje područja općine Lukavac, a montažu i priključenje dekorativnih elemenata na određena mjesta, te održavanje i zamjenu dijela dotrajalih i uništenih elemenata dekoracije vrši davalac komunalne usluge.

Član 23.

(postupanje u slučaju kvara)

(1) U slučaju nepredviđenih radova uzrokovanih kvarovima, davalac komunalne usluge dužan je odmah obavijestiti nadležnu općinsku službu, koja će narediti preduzimanje mjera neophodnih za otklanjanje kvarova.

(2) Davalac komunalne usluge dužan je da odmah po prijemu naloga za otklanjanje kvarova od strane nadležne općinske službe isti otkloni, a u izuzetnim slučajevima, kvar je dužan ukloniti najkasnije u roku od 24 sata.

Član 24.

(obim radova i potrebna sredstva)

(1) Obim radova i iznos potrebnih sredstava za poslove dekorisanja utvrđuje se godišnjim Programom održavanja čistoće i javnih površina.

(2) Davalac komunalne usluge je obavezan voditi evidenciju izvršenih usluga dekorisanja i uređenja na obrascima, pod uslovima i na način utvrđen posebnim propisima.

Član 25.

(zabrana oštećivanja i uklanjanja)

Zabranjeno je oštećivanje i protupravno uklanjanje uređaja dekorativnih elemenata.

Član 26.

(postupak u slučaju nastanka štete)

U slučaju nastanka štete na uređajima i opremi dekorativnih elemenata, počinitelj štete, fizička lica koja su prisutna u trenutku nastanka štete ili koja posjeduju relevantne informacije o šteti i počiniocu i nadležni organ unutrašnjih poslova su dužni odmah po saznanju ili evidentiranju učinjene štete obavijestiti nadležnu općinsku službu, uz obavezno dostavljanje podataka o licu koje je štetu načinilo ukoliko istu posjeduju.

Član 27.

(postupak nadležne službe)

Nadležna općinska služba će odmah po prijemu obavijesti iz člana 26. na licu mjesta evidentirati nastalu štetu, pozvati davaoca komunalne usluge da odmah, a najkasnije u roku od 24 sata otkloni nastalu štetu.

Član 28.

(naknada štete)

Općina Lukavac će od počinioca štete zahtijevati naknadu štete po općim pravilima obligacionog prava.

V. OSIGURANJE FINANSIJSKIH SREDSTAVA

Član 29.

(obezbjeđivanje finansijskih sredstava)

Finansijska sredstva potrebna za prikladno dekorisanje javnih površina na području općine Lukavac obezbjeđuju se u budžetu općine Lukavac.

VI. NADZOR

Član 30.

(nadzor)

Nadzor nad provođenjem odredaba ove Odluke vrši općinska služba nadležna za komunalne poslove i općinska služba nadležna za inspekcijske poslove, svaka u okviru svoje nadležnosti.

Član 31.

(postupci komunalnog inspektora)

(1) Ako objekat, predmet ili uređaj koji je postavljen na temelju odobrenja ima nedostatke ili oštećenja ili nije postavljen u skladu sa odobrenjem, komunalni inspektor nalaže vlasniku, odnosno korisniku, njihovo otklanjanje, odnosno njegovu usklađivanje s odobrenjem i ostavlja mu primjeren rok za izvršenje naložene radnje.

(2) Komunalni inspektor će naložiti uklanjanje objekta, predmeta ili uređaja, ako vlasnik ili korisnik u ostavljenom roku ne otkloni nedostatke, odnosno, ne uskladi ih sa odobrenjem, a troškove uklanjanja će snositi vlasnik, odnosno, korisnik.

Član 33.

(uklanjanje objekata, predmeta i uređaja)

(1) Ako su objekti, predmeti ili uređaji iz člana 15. ove Odluke postavljeni bez odobrenja, komunalni inspektor nalaže vlasniku da ih ukloni.

(2) U slučaju da vlasnik objekta ili predmeta iz stava 1. ovoga člana ne postupi po nalogu komunalnog inspektora, objekat ili predmet će biti uklonjen putem treće osobe na njegov trošak.

Član 35.

(vršenje nadzora)

U vršenju nadzora nad provođenjem odredaba ove Odluke komunalni inspektor je ovlašten da :

- a) kontroliše da li se dekorisanje i uređenje područja općine Lukavac vrši na način propisan ovom Odlukom,
- b) kontrolisati stanje dekorativnih elemenata,

- c) nalaže da se utvrđeni nedostaci i nepravilnosti otklone na način i u roku propisanom zakonom, ovom Odlukom i drugim relevantnim propisima,
- d) zabrani preduzimanje radnji za koje smatra da su u suprotnosti sa ovom Odlukom
- e) nalaže preduzimanje radnji koje je subjekt nadzora bio dužan preduzeti,
- f) izdaje prekršajni nalog i podnosi zahtjev za pokretanje prekršajnog postupka i
- g) odredi i druge mjere i radnje za koje je ovlašten zakonom i drugim propisima.

Član 36.

(komunalni redar)

Komunalni redar pomaže komunalnom inspektoru i ovlašten je da :

- a) provjerava stanje dekorativnih elemenata i o tome obavještava davaoca komunalne usluge,
- b) upozorava pravna i fizička lica na ponašanje suprotno ovoj Odluci,
- c) obavještava komunalnog inspektora u slučaju neizvršavanja odredaba ove Odluke,
- d) pomaže komunalnom inspektoru u obavljanju njegovih poslova i
- e) obavlja i druge poslove koji su mu povjereni.

VII. KAZNE NE ODREDBE

Član 37.

(Kaznene odredbe za prekršaje učinjene od strane davaoca usluge)

(1) Novčanom kaznom u iznosu od 500,00 do 5.000,00 KM kaznit će se za prekršaj davalac komunalne usluge :

- a) Ukoliko neuredno i neblagovremeno obavlja komunalnu uslugu dekorisanja,
- b) Ukoliko ne održava dekorativne elemente u ispravnom stanju,
- c) Ukoliko u roku iz člana 8. i člana 12. ne započne sa dekoracijom ili ne ukloni dekorativne elemente i
- d) Ukoliko postupi suprotno članu 14 ove Odluke
- e) Ukoliko prostor nakon proteka praznika ne dovede u prijašnje stanje.

(2) Za prekršaj iz stava 1. ovog člana kaznit će se i odgovorno lice davaoca komunalne usluge novčanom kaznom od 100,00 do 500,00 KM.

Član 38.

(kaznene odredbe za prekršaje učinjenje od strane pravnog lica)

Novčanom kaznom u iznosu od 300,00 do 3.000,00 KM, kaznit će se za prekršaj pravno lice ukoliko:

- a) Ukoliko ošteti ili protupravno ukloni uređaje dekorativnih elemenata,
- b) Ukoliko neosnovano sprečava davaoca komunalne usluge u postavljanju dekorativnih elemenata,
- c) Ukoliko postupi suprotno članu 14 ove Odluke
- d) Ukoliko ne izvrši prigodno uređenje prostora iz člana 17. i
- e) Ukoliko ne ukloni postavljene dekorativne elemente u roku iz člana 18.

Član 39.

(kaznene odredbe za prekršaje učinjene od strane fizičkog lica)

Novčanom kaznom u iznosu od 50,00 do 200,00 KM, kaznit će se za prekršaj fizičko lice ukoliko:

- a) *Ukoliko ošteti ili protupravno ukloni uređaje dekorativnih elemenata,*
- b) *Ukoliko neosnovano sprečava davaoca komunalne usluge u postavljanju dekorativnih elemenata,*
- c) *Ukoliko postupi suprotno članu 14 ove Odluke*
- d) *Ukoliko ne izvrši prigodno uređenje prostora iz člana 17. i*
- e) *Ukoliko ne ukloni postavljene dekorativne elemente u roku iz člana 18.*

VIII. PRIJELAZNE I ZAVRŠNE ODREDBE

Član 38.

(provođenje Odluke)

Za provođenje ove odredaba ove Odluke nadležna je općinska služba za komunalne poslove, općinska služba za inspekcijske poslove i općinska služba za urbanizam, prostorno planiranje i investicije, svaka iz svoje nadležnosti.

Član 39.

(stupanje na snagu Odluke)

Ova Odluka stupa na snagu danom objavljivanja u „Služenom glasniku općine Lukavac“.

**PREDSJEDAVAJUĆI
OPĆINSKOG VIJEĆA**

Suljo Suljević, prof. soc. sr.



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko vijeće

Broj: 01-02-1453-6/10
Lukavac, 15.10.2010. godine

Općinsko vijeće Lukavac, na 25. redovnoj sjednici održanoj dana 07.10.2010. godine, je razmatralo Zahtjev za davanje saglasnosti na situaciju mikrolokacije broj: 05-02-1-469-1/09-2 od 15.09.2010. godine, te je u skladu sa članom 105. Statuta općine Lukavac - prečišćeni tekst („Sl. glasnik općine Lukavac“ broj 5/08.), i člana 88. i 95. Poslovnika o radu Općinskog vijeća Lukavac („Službeni glasnik općine Lukavac“ br. 5/06, 2/09 i 5/09) usvojilo sljedeći

ZAKLJUČAK

Daje se saglasnost na situaciju mikrolokacije broj: 05-02-1-469-1/09-2 od 15.09.2010. godine koja obuhvata građevinske parcele označene po novom premjeru kao: dio k.č. broj: 2478/1, k.č. broj: 2478/3, k.č. broj: 2478/4, dio k.č. broj: 2478/5, k.č. broj: 2478/6, k.č. broj: 2478/7, k.č. broj: 2478/9, k.č. broj: 2478/10, k.č. broj: 2478/12, k.č. broj: 2478/13, k.č. broj: 2479/4, k.č. broj: 2479/5, k.č. broj: 2479/6, k.č. broj: 2479/7, k.č. broj: 2479/8, k.č. broj: 2479/9, k.č. broj: 2479/11, k.č. broj: 2479/12, k.č. broj: 2483, k.č. broj: 2484, dio k.č. broj: 2485/1 i dio k.č. broj: 2851, odnosno lokacije između ulice Armije RBiH, ulice Zmaj od Bosne i ulice Ismeta Mujezinovića (dio grada između „Džamije“ i stambeno-poslovnih zgrada „Eros“, „Luciana“, „Opel“ i „Dženeks“).

PREDSJEDAVAJUĆI
OPĆINSKOG VIJEĆA

Suljo Suljević, prof. soc. sr.



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko vijeće

Broj: 01-02-1453-7/10
Lukavac, 15.10.2010. godine

Općinsko vijeće Lukavac, na 25. redovnoj sjednici održanoj dana 07.10.2010. godine, je razmatralo Zahtjev za davanje saglasnosti na situaciju mikrolokacije sa promjenom namjene objekta broj: 05-02-1-469-2/09-2 od 22.09.2010. godine, te je u skladu sa članom 105. Statuta općine Lukavac - prečišćeni tekst („Sl. glasnik općine Lukavac“ broj 5/08, i člana 88. i 95. Poslovnika o radu Općinskog vijeća Lukavac („Službeni glasnik općine Lukavac“ br. 5/06, 2/09 i 5/09) usvojilo slijedeći

ZAKLJUČAK

Daje se saglasnost na situaciju mikrolokacije sa promjenom namjene objekta broj: 05-02-1-469-2/09-2 od 22.09.2010. godine koja obuhvata građevinske parcele označene po novom premjeru kao: dio k.č. broj:2024/1, dio k.č. broj:2149/1, dio k.č. broj:2150/1, k.č. broj:2150/11, k.č. broj:2150/15, k.č. broj:2150/10, k.č. broj:2150/12, k.č. broj:2150/13, sve k.o. Lukavac, odnosno lokacije između ulice Kulina Bana, ulice Kralja Tvrtka Prvog i pristupnog puta za Dom zdravlja Lukavac (dio grada između Doma zdravlja Lukavac i pruge Dobojske - Tuzla).

PREDSJEDAVAJUĆI
OPĆINSKOG VIJEĆA

Suljo Suljević, prof. soc. sr.



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko vijeće

Broj: 01-02-1453-9/10
Lukavac, 15.10.2010. godine

Općinsko vijeće Lukavac, na 25. redovnoj sjednici održanoj dana 07.10.2010. godine, je razmatralo Zahtjev za davanje saglasnosti na Ugovor o zakupu nepokretnosti između Općine Lukavac i MZ Puračić od 04.10.2010. godine, te je u skladu sa članom 105. Statuta općine Lukavac - prečišćeni tekst („Sl. glasnik općine Lukavac“ broj 5/08, i člana 88. i 95. Poslovnika o radu Općinskog vijeća Lukavac („Službeni glasnik općine Lukavac“ br. 5/06, 2/09 i 5/09) usvojilo slijedeći

ZAKLJUČAK

Daje se saglasnost Općinskom načelniku za zaključivanje Ugovora o zakupu nepokretnosti između Općine Lukavac i MZ Puračić, s tim da nadležna služba izvrši ispravke tehničkih grešaka u tekstu istog, kako slijedi:

- da se u članu 2. Ugovora izvrši ispravka tehničke greške na način da se umjesto riječi “sedmičnih pijaca” upišu riječi “jednom sedmično pijace”;
- da se u članu 4. Ugovora umjesto riječi “10 (deset)” upišu riječi “7 (sedam)”.

PREDSJEDAVAJUĆI
OPĆINSKOG VIJEĆA

Suljo Suljević, prof. soc. sr.



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko vijeće

Broj:01-31-3-1719/10
Lukavac,13.10.2010.godine.

Na osnovu člana 25. Zakona o građevinskom zemljištu ("Službene novine F BiH ", broj: 25/03 i 67/05) i člana 32. Statuta općine Lukavac- prečišćeni tekst("Službeni glasnik općine Lukavac", broj: 5/08) na 25 redovnoj sjednici održanoj dana 07.10.2010.godine Općinsko vijeće donijelo je

Z A K L J U Č A K

I

Ne prihvata se ponuda od strane Buljubašić (Naila) Vahide iz Lukavca za preuzimanje iz njenog posjeda neizgrađenog građevinskog zemljišta, koje je locirano u MZ-e Hrvati, označenog kao:

- k.č.br. 1269/31 zvana «Bare» livade 4.klase u površini od 540 m², upisana u p.l.br. 2608 k.o. Lukavac (novi premjer) a što po starom premjeru nosi oznaku kao k.č.br. 1092/20 Četenište oranica u površini od 540 m² upisana u z.k.ul.br.3426 k.o. Lukavac, državna svojina 1/1, uknjiženo pravo korištenja na nekretnini opisanoj u „A“ listu u korist Buljubašić rođ.Softić Vahide kćeri Naila iz Lukavca sa 1/1, po cijeni od 10,00 KM/m².

II

Imenovana može prenijeti pravo korištenja navedenog zemljišta na treća lica, ali ne po nižoj cijeni od 10,00 KM/m², koja je ponuđena općini.

III

Na ime troškova postupka imenovana je dužna uplatiti iznos u visini od 50,00 KM na žiro-račun budžeta općine Lukavac kod Raiffeisen Bank Filijala Tuzla broj 1610250023300029 vrsta prihoda 722439.

O b r a z l o ž e n j e

Buljubašić (Naila) Vahida iz Lukavca obratila se Općinskom vijeću Lukavac putem Službe za geodetske i imovinsko-pravne poslove sa ponudom za preuzimanje neizgrađenog građevinskog zemljišta u ukupnoj površini od 540 m², kako je navedeno u tački 1.dispozitiva ovog zaključka, po cijeni od 10,00 KM/m².

Članom 25. Zakona o građevinskom zemljištu je određeno da raniji vlasnik neizgrađenog građevinskog zemljišta i prije donošenja rješenja o preuzimanju zemljišta može ponuditi neizgrađeno gradsko građevinsko zemljište opštini, odnosno gradu (općini), a općina, odnosno grad (općina) ima prvenstveno pravo preuzimanja tog zemljišta.

Ukoliko Općinsko vijeće (skupština opštine, odnosno skupština grada) ne prihvati ponudu iz predhodnog stava, raniji vlasnik može prenijeti pravo korištenja na treća lica, ali ne po nižoj cijeni od one koja je ponuđena opštini, odnosno gradu.

Obzirom da opština nije zainteresovana za preuzimanje predmetnog zemljišta, na osnovu svega navedenog je odlučeno kao u dispozitivu zaključka.

Odluka o troškovima postupka zasniva se na odredbama člana 115.Zakona o upravnom postupku („Sl.novine F BiH“, broj 2/98 i 48/99).

Pouka o pravnom lijeku:

Protiv ovog zaključka ne može se uložiti žalba, ali se može tužbom pokrenuti upravni spor kod Kantonalnog suda u Tuzli u roku od 30 dana od dana prijema ovog rješenja.

*PREDSJEDAVAJUĆI
OPĆINSKOG VIJEĆA*

Suljo Suljević, prof. soc. sr.



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko vijeće

Broj: 01-02-1453-8/10
Lukavac, 15.10.2010. godine

Općinsko vijeće Lukavac, na 25. redovnoj sjednici održanoj dana 07.10.2010. godine, je razmatralo Zahtjev za davanje saglasnosti za usvajanje Pravila JU za odgoj i obrazovanje djece predškolskog uzrasta Lukavac od 23.09.2010. godine, te je u skladu sa članom 105. Statuta općine Lukavac - prečišćeni tekst („Sl. glasnik općine Lukavac“ broj 5/08,), i člana 88. i 95. Poslovnika o radu Općinskog vijeća Lukavac („Službeni glasnik općine Lukavac“ br. 5/06, 2/09 i 5/09) usvojilo slijedeći

ZAKLJUČAK

Daje se saglasnost na Pravila JU za odgoj i obrazovanje djece predškolskog uzrasta Lukavac broj: 134/10 od 07.09.2010. godine.

PREDSJEDAVAJUĆI
OPĆINSKOG VIJEĆA

Suljo Suljević, prof. soc. sr.

SLUŽBENI GLASNIK OPĆINE
L U K A V A C

Broj: 08/10

Izdaje: Općina Lukavac

Uređuje: Stručna služba Općinskog vijeća

Urednik: Sekretar Općinskog vijeća Izeta Bajrić

Tiraž: 75 primjeraka

Adresa: Općina Lukavac, Općinsko vijeće

Telefon – fax: 553-253

Službeni glasnik izdaje se po potrebi